

# Informativni vodič o trgovini i eksploataciji ljudi



## Šta je trgovina ljudima?

Trgovina ljudima se događa kada jedna osoba manipulira ili kontrolira drugu osobu kako bi pružila rad ili seksualne usluge u nečiju korist. Prema zakonu države Minnesota, trgovina ljudima se može dogoditi na bilo koji način. Prema saveznom zakonu, trgovina ljudima zahtijeva upotrebu sile, prevare ili prisile kako bi se žrtva natjerala da radi ili pruža komercijalne seksualne usluge. Žrtve trgovine ljudima ne mogu izaći iz svoje situacije iz više razloga.

**Trgovci ljudima koriste više metoda da kontroliraju svoje žrtve, uključujući, između ostalog, sljedeće:**

- zastrašivanje
- prisilu i prijetnje
- zlostavljanje (emocionalno, fizičko, seksualno)
- izolaciju
- poricanje, okrivljavanje i ublažavanje
- davanje privilegija i nadmoći
- ekonomsko zlostavljanje
- osjećaj obaveze prema porodici žrtve
- uskraćivanje dokumenata

***Ne postoji samo jedan znak koji može definitivno ukazati na trgovinu ljudima. Najvažnije je tražiti obrazac kontrole koju trgovci ljudima vrše nad jednom ili više osoba***

## Šta je eksploatacija ljudi?

Eksploatacija se događa kada jedna osoba nepošteno prijeti drugoj osobi kako bi ostvarila korist od njenog rada. Između eksploatatora i žrtve, gdje eksploatator ima moć, postoji nejednaka dinamika moći. Eksploatacija se može smatrati sredinom između potpune slobode i trgovine ljudima. Ove situacije se mogu preklapati i pojedine osobe ponekada mogu iskusiti različite situacije od slobode do trgovine ljudima.

Komercijalna seksualna eksploatacija se događa kada neko razmjenjuje seks za bilo šta od vrijednosti ili obećanje nečega od vrijednosti kao što je novac, droga, hrana, utočište, stanarina ili veći status u bandi ili grupi. Radna eksploatacija je izlaganje radnika nepoštenim običajima rada i može uključivati odbijanje da se radnik plati ili potplaćivanje radnika zbog rada, ili krađu plaće (uskraćivanje zakonski ili ugovorom zagarantovane plaće, uključujući prekovremeni rad).

## Ko su trgovci ljudima i kupci?

Svako bilo koje dobi, rase, nacionalnosti ili spola može biti trgovac ljudima. Trgovac ljudima može biti član porodice ili bliski prijatelj, ili može biti momak, djevojka ili supružnik.

Poput trgovaca, kupci mogu biti bilo koje dobi, rase, nacionalnosti ili spola. Oni dolaze iz urbanih, ruralnih i prigradskih zajednica. Kupci koriste internet, lično posredovanje i usmenu komunikaciju za kupovinu seksualnih usluga.

## Ko su žrtve?

Svako može postati žrtva trgovine ljudima. Osobe koje su žrtve/preživjeli različitih su pozadina, rasa, spola, seksualnih orijentacija, građanskog i ekonomskog statusa.

Trgovci ljudima ciljaju na osobe koje su iz raznih razloga osjetljive na manipulaciju i kontrolu trgovaca. Socijalni uslovi u zajednicama, kao što su visoka nezaposlenost i manjak prihoda, mogu koristiti trgovcima kada biraju svoje žrtve. Uslovi koji povećavaju rizik od trgovine ljudima uključuju:

- Siromaštvo
- Nezaposlenost
- Seksualna orijentacija i spolni identitet
- Dob - djeca, mladi, stariji
- Imigrantski status
- Rasne manjine
- Historija zlostavljanja
- Ovisnost o supstancama
- Invalidnost
- Beskućništvo

## Kako trebam razgovarati o trgovini ljudima?

Riječi koje koristimo predočavaju način na koji posmatramo situaciju i druge osobe. Važno je koristiti pojmove koji smanjuju stigmatu i omogućiti ljudima da se osjećaju prihvaćenima kako bi mogli potražiti pomoć bez osjećaja srama. Koristite osjetljive i odgovarajuće pojmove kao što su eksploatirani u komercijalne seksualne svrhe, žrtva trgovine ljudima, preživjeli ili neko ko je bio izložen eksploataciji ili trgovini ljudima.

## Šta trebam uraditi ako posumnjam na trgovinu ljudima?

- Kontaktirajte [regionalnog savjetnika iz programa Safe Harbor \(http://www.health.state.mn.us/communities/safeharbor/response/navigators.html\)](http://www.health.state.mn.us/communities/safeharbor/response/navigators.html) ili pozovite Day One telefonsku liniju na 1-866-223-1111 da saznate više o uslugama koje su dostupne u vašem području.
- Ako posumnjate na trgovinu ljudima, prijavite je putem obrasca za obavještenja Biroa za krivična hapšenja (Bureau of Criminal Apprehension, BCA) ili pozovite BCA na 1-877-996-6222 ili pošaljite e-poruku na [bca.tips@state.mn.us](mailto:bca.tips@state.mn.us)
- Pozovite 911 ako ste vi ili neko koga poznajete u opasnosti.

## Izvori

- [Program Safe Harbor u državi Minnesota \(https://www.health.state.mn.us/communities/safeharbor/index.html\)](https://www.health.state.mn.us/communities/safeharbor/index.html)
- Minnesota Day One telefonska linija za krizne situacije - 866-223-1111

